



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

-- օգոստոսի 2020 թվականի №---Ա
քաղ. Երևան

**«ԳԱԶՊՐՈՄ ԱՐՄԵՆԻԱ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ «ՀՐԱԶՂԱՆ-5»
ԿԱՅԱՆԻՑ ԱՌԱՔՎՈՂ ՋԵՐՄԱՅԻՆ ԷՆԵՐԳԻԱՅԻ ՍԱԿԱԳԻՆԸ ՍԱՀՄԱՆԵԼՈՒ ՄԱՍԻՆ**

Հիմք ընդունելով «Էներգետիկայի մասին» օրենքի 17-րդ հոդվածի 1-ին մասի «ա» կետը, 22-րդ հոդվածը, Հայաստանի Հանրապետության հանրային ծառայությունները կարգավորող հանձնաժողովի 2013 թվականի հոկտեմբերի 23-ի №359Ն որոշումը և հաշվի առնելով «Գազպրոմ Արմենիա» փակ բաժնետիրական ընկերության 2020 թվականի ապրիլի 20-ի հայտը՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Սահմանել «Գազպրոմ Արմենիա» փակ բաժնետիրական ընկերության «Հրազդան-5» կայանից առաքվող ջերմային էներգիայի սակագնի հաշվարկման հետևյալ քանակը.

$$P = \frac{3,881 * (W_1 * T_1 + W_2 * T_2 * E)}{W_1 + W_2} + 196,98$$

որտեղ՝

P-ն հաշվարկային ամսում առաքվող ջերմային էներգիայի սակագինն է (դրամ/գիգաջոուլ)՝ առանց ավելացված արժեքի հարկի,

W₁-ն հաշվարկային ամսում մինչև 2576,66 գիգաջոուլի (ներառյալ) շրջանակում «Գազպրոմ Արմենիա» փակ բաժնետիրական ընկերության «Հրազդան-5» կայանից առաքված ջերմային էներգիայի քանակն է (գիգաջոուլ),

W₂-ն հաշվարկային ամսում «Գազպրոմ Արմենիա» փակ բաժնետիրական ընկերության «Հրազդան-5» կայանից առաքված ջերմային էներգիայի՝ 2576,66 գիգաջոուլը գերազանցող քանակն է (գիգաջոուլ),

T₁-ն հաշվարկային ամսում «Գազպրոմ Արմենիա» փակ բաժնետիրական ընկերության կողմից ջերմային էլեկտրակայաններին վաճառվող յուրաքանչյուր ամսում մինչև 10 հազար խորանարդ մետր բնական գազի գործող սակագինն է՝ (դրամ/խորանարդ մետր՝ առանց ավելացված արժեքի հարկի),

T₂-ն հաշվարկային ամսում «Գազպրոմ Արմենիա» փակ բաժնետիրական ընկերության կողմից ջերմային էլեկտրակայաններին վաճառվող յուրաքանչյուր ամսում 10 հազար խորանարդ մետրը գերազանցող բնական գործող սակագինն է՝ արտահայտված ԱՄՆ դոլարով (ԱՄՆ դոլար/ խորանարդ մետր՝ առանց ավելացված արժեքի հարկի),

E-ն յուրաքանչյուր հաշվարկային ամսվան նախորդող ամսվա 25-ին Հայաստանի Հանրապետության կենտրոնական բանկի կողմից հրապարակված մեկ ԱՄՆ դոլարի նկատմամբ հայկական դրամի՝ արժույթային շուկաներում ձևավորված միջին փոխարժեքի մեծությունն է:

2. Սույն որոշումն ուժի մեջ է մտնում 2020 թվականի օգոստոսի 13-ից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**

Գ. ԲԱՂՐԱՍՅԱՆ

ք. Երևան
--- օգոստոսի 2020թ.